



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍԶՈՒԹՅՈՒՆ**

010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական տույժ նշանակելու մասին

14.11.2016թ.

ք.Երևան

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «1915 ցեղասպանության» հիմնադրամի (գրանցման համար՝ 222.160.771647, (այսուհետ՝ Հիմնադրամ) տնօրենի ժ/պ Արման Ոսկանյանի կողմից Տեսչության պետի՝ վարչական տույժ կիրառելու մասին որոշման պահանջը չկատարելու կապակցությամբ 21.10.2016թ.-ին հարուցված վարչական վարույթի նյութերը.

ՊԱՐԶԵՑԻ

Տեսչության պետի 13.09.2016թ.-ի որոշմամբ Հիմնադրամի տնօրենի ժ/պ Արման Ոսկանյանի նկատմամբ «Հիմնադրամների մասին» ՀՀ օրենքի 39-րդ հոդվածի և Տեսչության պետի կողմից 10.06.2016թ.-ին վարչական տույժ՝ «Նախազգուշացում» նշանակելու մասին որոշման պահանջները չկատարելու համար, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169¹⁸-րդ հոդվածի 2-րդ պարբերության, նշանակվել է վարչական տուգանք՝ 50.000 (հիսուն հազար) ՀՀ դրամի չափով: Նույն որոշմամբ Հիմնադրամի տնօրենի ժ/պ Արման Ոսկանյանը նախազգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի թիվ 319-Ն հրամանով սահմանված կարգով՝ Հիմնադրամի 2015թ.-ի գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdarar.am կայք) և այդ մասին ծանուցել Տեսչությանը:



Տեսչության պետի 13.09.2016թ.-ի վարչական տուգանք կիրառելու մասին որոշումը Հիմնադրամի տնօրենի ժ/պ Արման Ոսկանյանի կողմից ստացվել է 15.09.2016թ.-ին, սակայն ստացման օրվանից հաշվարկված երեսուն օրվա ընթացքում Հիմնադրամի 2015թ.-ի գործունեության մասին հաշվետվությունն օրենքով սահմանված կարգով և ժամկետներում չի հրապարակվել և հրապարակելու մասին չի ծանուցվել Տեսչությանը:

Տեսչության պետի կողմից հարուցված վարչական վարույթի շրջանակներում Օրենսգրքի 255-րդ հոդվածով նախատեսված վարչական իրավախախտում կատարելու մասին արձանագրություն կազմելու նպատակով Հիմնադրամի տնօրենի ժ/պ Արման Ոսկանյանը հրավիրվել է Տեսչություն, ծանուցումն ուղարկվել է ինչպես վերջինիս փոստի, այնպես էլ էլ.փոստի հասցեներով, միաժամանակ տեղադրվել է www.azdarar.am կայքում, սակայն գործի քննության ժամանակի և վայրի մասին ծանուցված լինելով վերջինս չի ներկայացել լսումներին:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 3-րդ պարբերությամբ, 223¹-րդ հոդվածով և 282-րդ հոդվածի 1-ին մասով.

ՈՐՈՇԵՑԻ

1. «1915 ցեղասպանության» հիմնադրամի տնօրենի ժ/պ Արման Ոսկանյանի (անձնագիր՝ AM0822440, հասցե՝ ք. Իջևան, Մետաղագործների փող., 2-րդ նրբ.) նկատմամբ նշանակել վարչական տուգանք՝ 200.000 ՀՀ դրամի չափով:

2. «1915 ցեղասպանության» հիմնադրամի տնօրենի ժ/պ Արման Ոսկանյանին նախազգուշացնել որոշումն ստանալու օրվանից **երեսուն օրվա** ընթացքում հիմնադրամի 2015թ.-ի գործունեության մասին հաշվետվությունը հրապարակել www.azdarar.am կայքում և արդյունքների մասին ծանուցել Տեսչությանը՝ կից ներկայացնելով վարչական տույժի՝ ՀՀ պետական բյուջե (հաշվեհամար՝ 900005242111) վճարված լինելու հանգամանքը հավաստող փաստաթուղթը կամ դրա պատճենը:

3. Սույն որոշումն ուժի մեջ է մտնում վարույթի մասնակցին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին տասնօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ